


Poliovirus (Polio)



Polio is en Grankhet as mer scharrewe kennt devun. Es watt gecaused bei der Poliovirus. Der Virus kann mer iesi griege un dutt gschwind schpreade vun Person zu Person. Polio dutt dei Nervous System affecte un macht em sei Muskle schwach. In deel Cases kann Polio epper paralyz-e odder doot mache. S'is ken Cure fer Polio awwer mer kann sich verhalde vun's griege deich Vaccines as seef sin un rieli gut schaffe.

Wie watt's gschpread?

Der Polio virus kann mer iesi griege. Er kummt in die Body deich's Maul.

- ▶ Epper kann Polio griege deich:
 - ▶ Contact mit en granker Person sei Poop.
 - ▶ Die glenne Dropplin as rauskumme wann en granker Person schniest odder huscht.
 - ▶ Touche odder eppes in em sei Maul schecke as en glee bissel contaminateder Poop druff hot.
- ▶ Polio kann gschpreadt warre bei Leit as der Virus hen awwer ken Symptoms weise.

Was sin Signs un Symptoms vun Polio?

Mensch Leit as grank sin mit Polio zelle ken Symptoms hawwe.

- ▶ Ebaut 25% vun Leit zelle flu-like Symptoms hawwe so wie:
 - ▶ En weher Hals
 - ▶ Fiewer
 - ▶ Mied sei
 - ▶ Grank uff der Maage sei
 - ▶ Koppweh
 - ▶ Maageschmatze
- ▶ In en paar Cases zelle Leit mit Polio schlimmi Symptoms griege so wie:
 - ▶ Meningitis (wann em sei Brain un Spinal Cord uffgflammt sin)
 - ▶ Geparalyzed odder schwach sei in em sei Aerm un/odder Bee

Wie kammer des triete?

S'is ken Cure fer Polio.

Physical odder Occupational Therapy kann helfe wammer schwachi Aerm, Beh, odder Muskle, odder annri langi Symptoms hot.

Wie kammer sich verhalde vun's griege?

Mer kann sich verhalde vun Polio griege deich Vaccines as seef sin un rieli gut schaffe!

- ▶ Kinner sette vaccinate sei wann sie 2 Munet, 4 Munet, un 6–18 Munet alt sin, un widder eb sie die Schul schtaerde.
- ▶ Meh as 99% vun Leit as alli recommended Doses vun der Polio Vaccine griege zelle protect sei.
- ▶ Der Vaccine as mer yused in die U. S. fer Polio prevente dutt net Polio cause.
- ▶ Sauwer sei un em sei Hend gut wesche kenne der Polio Virus verhalde vun schpreade.

Check dei Vaccination Records deich der [Wisconsin Immunization Registry](#).

